



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

§. 1. Tria matrimonij bona.

urn:nbn:de:hbz:466:1-45686

facerent, dementarunt; quod non fecissent, nisi & ipsæ fuissent dementes.

Ob hæc, & complura talia, cùm coniuges deberent, coniugia reprehenduntur. Quæ quia à Deo sunt instituta, in ipsum scilicet Deum querelæ redundant, quasi ille sit malorum author, qui status est author, & qui vxorem dedit; è quibus mala pullulant. Nam Deum status matrimonialis esse institutorem & approbatorem, è supradictis constat: quia primus omnium, inter primos parentes, matrimonium ipse fecit. Et, in lege gratiæ, teste D. Cyrillo, & Augustino alijsque, Christus idcirco, in Cana Galilææ voluit nuptijs interesse, ut nuptias, tanquam à Deo institutas, approbaret; ob quam caussam etiam matrimonium, inter Ecclesiæ sacramenta, constituit. Quemadmodum igitur Adam à Domino castigatus, culpam in uxorem, & per hanc in ipsum uxoris datoren refudit, dicens: *Mulier, quam dedisti mihi sociam, dedit mihi de ligno, & comedi;* ita & alij eius, etiam in excusatione accusationeque, successores, Deo attribuere non verentur, quæ in coniugijs, natura sua bonis, hominum autem vitio sèpè ærumnosis, reperiunt. Medicina querelarum erit, Matrimonij bona, fines, curam prouidentiamque diuinam, in eo conciliando, aut etiam in ijs justissimè plectendis, qui illud temere, atque illicitè ineunt, polluunt, eo-né se indignos reddunt, considerare.

C A P V T XXIII.

De tribus Matrimony bonis, quibus coniugium, honestatur & apud Fideles acceptum, apud infideles & hereticos quos-dam, detestabile redditur.

Tria generatim statuunt Matrimonij bona Theologi, cum D. Augustino, cuius hæc sunt: *Quod bonum habent nuptiæ, peccatum esse nunquam potest. Hoc autem tripartitum est; Fides, Proles, Sacramentum. In Fide attenditur, ne preter vinculum coniugale cum altera, vel altero concubatur. In Prole, ut amanter suscipiatur, benignè nutritur, religiosè educatur. In Sacramento autem, ut coniugium non separetur, & dimis-sus, aut dimissa, ne caussa quidem proli, alteri coniungatur.*

Pp

Duo

IX.

S. Cyril. in
c. 2. Ioan. S.
Austin. serm.
4. de temp. S.
Theod. lib. 5.
diuinor. de-
cretor. Bed.
hom. 2.
Gen. 3. 12.

I.
S. Aug. lib. 9.
super Gen. c. 7
& lib. 1. de
Nuptijs &
concup. c. II.
& 17.